

# e-Buletin

EDISI OKTOBER 2024

# JSKM

**Ts. Dr. Rozita Kadar**  
Pendidik Berwawasan,  
Pemimpin Inspirasi.

**KELUARAN KE-12**

eISSN 2637-0077



9 772637 007004



# ISI KANDUNGAN e-BULETIN

## Sidang Redaksi:

### Ketua Editor

Dr. Siti Nurleena Abu Mansor

### Editor

Ts. Jamal Othman

Pn. Siti Mariam Saad

En. Ahmad Rashidi Azudin

## Terbitan:



UNIVERSITI  
TEKNOLOGI  
MARA

Cawangan Pulau Pinang

### Unit Penerbitan e-Buletin

Jabatan Sains Komputer dan Matematik

UiTM Cawangan Pulau Pinang

13500 Permatang Pauh

Pulau Pinang

Kata Pengantar Ketua Editor 02

Kata Pengantar Koordinator 03

Pendidik Berwawasan,  
Pemimpin Inspirasi 04

Laporan Aktiviti 05

Perkongsian 31

Puisi 59

Uji Minda 64

# PERKONGSIAN






# Putera Puteri NABI MUHAMMAD S.A.W.



OLEH FARAH HAYATI MUSTAPA

Nabi Muhammad S.A.W. mempunyai 4 orang anak perempuan dan 2 orang anak lelaki daripada isterinya Saidina Khadijah binti Khuwailid r.a. Manakala seorang lagi anak lelaki daripada isterinya, Maria binti Syam'un al-Qibtiya r.a.

01



QASIM

Putera sulung Nabi Muhammad S.A.W. Beliau dilahirkan pada 598M sebelum Nabi diangkat menjadi Rasul dan meninggal dunia ketika berumur 3 tahun. Beliau dimakamkan di Jannatul Mualla di Mekah. Menjadi kebiasaan orang Arab dipanggil dengan nama anak mereka, baginda nabi pernah digelar Abu al-Qasim.


ZAINAB

Puteri kedua Nabi Muhammad S.A.W. yang lahir setahun selepas Qasim. Beliau berkahwin dengan sepupunya, Abu al-As ibn al-Rabi' r.a. pada umur 11 tahun dan memiliki dua orang anak iaitu Ali dan Umamah. Zainab meninggal dunia pada umur 30 tahun kerana komplikasi keguguran dan dimakamkan di Perkuburan Baqi', Madinah.

02



03




RUQAYYA

Puteri ketiga Nabi Muhammad S.A.W. yang lahir pada 601M, dua tahun selepas Zainab. Beliau berkahwin dengan salah seorang anak Abu Lahab (Utbah) tetapi bercerai selepas Nabi Muhammad S.A.W. berdakwah secara terang-terangan pada 613M. Pada umur 14 tahun, Ruqayya r.a. berkahwin pula dengan Saidina Uthman bin Affan r.a. Ruqayya r.a. meninggal dunia ketika berumur 23 tahun, dipercayai pada tarikh yang sama umat Islam menang dalam Peperangan Badar dan dimakamkan di Perkuburan Baqi'.

## UMMU KALTHOM

Puteri keempat Nabi Muhammad S.A.W. yang lahir pada 603M, dua tahun selepas Ruqayya. Beliau juga berkahwin salah seorang anak Abu Lahab (Utaybah) tetapi bercerai selepas Nabi Muhammad S.A.W. berdakwah secara terang-terangan. Setahun selepas kewafatan Ruqayya, Ummu Kalthom berkahwin dengan Saidina Uthman bin Affan r.a. pada umur 21 tahun. 6 tahun selepas perkahwinan tersebut, beliau jatuh sakit dan meninggal dunia lalu dikebumikan di Perkuburan Baqi'.

04



05




## FATIMAH AZZAHRA

Puteri kelima Nabi Muhammad S.A.W. yang lahir pada 605M, dua tahun selepas Ummu Kalthom. Fatima Azzahra adalah puteri kesayangan Rasulullah S.A.W. Beliau berkahwin dengan Saidina Ali bin Abi Talib r.a. dan melahirkan dua orang Putera iaitu Hassan r.a. dan Hussain r.a. Fatima Azzahra meninggal dunia 6 bulan selepas kewafatan ayahandanya, Nabi Muhammad S.A.W. ketika beliau berumur 27 tahun dan dimakamkan di Perkuburan Baqi'.

## ABDULLAH

Putera keenam Nabi Muhammad S.A.W. lahir pada 611M dan diberi nama bersempena nama datuknya. Beliau juga dipanggil dengan nama Tahir ibn Muhammad dan Tayib ibn Muhammad. Abdullah juga, seperti Qasim, meninggal ketika masih kecil pada umur 2 tahun dan dimakamkan di Jannatul Mualla di Mekah.

06



07



## IBRAHIM

Putera bongsu Nabi Muhammad S.A.W. lahir pada 629M, tahun yang sama kewafatan Zainab binti Muhammad. Ibunya bernama Maria al-Qibtiya r.a. Beliau wafat ketika beliau berumur kurang daripada 2 tahun dan juga dimakamkan di Perkuburan Baqi'. Peristiwa gerhana matahari berlaku pada hari kewafatan Ibrahim. Telah menceritakan kepada kami Abu Al Walid berkata, telah menceritakan kepada kami Zaidah berkata, telah menceritakan kepada kami Ziyad bin 'Alaqah berkata, "Aku mendengar Al Mughirah bin Syu'bah berkata, "Telah terjadi gerhana matahari ketika wafatnya Ibrahim." Kemudian Rasulullah S.A.W. bersabda: "Sesungguhnya matahari dan bulan adalah dua tanda dari tanda-tanda kebesaran Allah, dan kedua-duanya tidak akan mengalami gerhana disebabkan oleh mati atau hidupnya seseorang. Jika kalian melihatnya (gerhana matahari dan bulan), maka berdoalah kepada Allah dan dirikan solat hingga kembali cerah." Hadis Sohih Riwayat Al-Bukhari.



Walaupun orang-orang Musyrik mengejek Rasulullah S.A.W. kerana baginda tiada anak lelaki penyambung zuriatnya, Allah lalu menurunkan Surah Al-Kausar untuk menggembirakan Rasulullah S.A.W.: "Sesungguhnya kami telah memberimu (Muhammad) nikmat yang banyak. Maka tunaikanlah solat kerana Tuhanmu, dan berkorbanlah (sebagai ibadah dan mendekatkan diri kepada Allah). Sesungguhnya orang-orang yang membencimu dialah yang terputus (dari rahmat Allah).





الْمَدِينَةُ الْمَعْلَمَةُ  
UNIVERSITI  
TEKNOLOGI  
MARA

Cawangan Pulau Pinang

**Unit Penerbitan e-Buletin**  
**Jabatan Sains Komputer dan Matematik**  
**UiTM Cawangan Pulau Pinang**  
**13500 Permatang Pauh**  
**Pulau Pinang**

eISSN 2637-0077



9 772637 007004